

<p>PETIKAN TITAH "DALAM abad ke-21, peranan Pertubuhan Bangsa-Bangsa Bersatu adalah penting bagi kesedaran dunia untuk mengimbangi kepentingan negara-negara yang berjaya dan kurang berjaya dalam ekonomi</p>		<p>MANISNYA IMAN "ALLAH meninggikan darjat orang-orang yang beriman di antara kamu dan orang-orang yang diberi ilmu pengetahuan agama dari kalangan kamu beberapa darjat. Dan ingatlah Allah Maha Mendalam</p>
<p>Rabu 21 September 2005 17 Syaaban 1426 Tahun 50 Bilangan 38</p> <p>Berita Utama</p> <p>Berita Ringkas</p> <p>Haluan</p> <p>Dari Sidang Pengarang</p> <p>Melirik Masa Silam</p> <p>Kan Halnya</p> <p>Aneka Rencana</p> <p>Ekonomi</p> <p>Suara Dari Mimbar</p> <p>Menuju Keredaan Allah</p> <p>Teropong Pelita</p> <p>Bicara IT</p> <p>Minda Pembaca</p> <p>Remaja</p> <p>Belia</p> <p>Arena Sukan</p> <p>Iklan-iklan Tawaran</p> <p>Iklan-iklan Tawaran Kerja</p> <p>Iklan-iklan Tawaran Mengikuti Kursus</p> <p>Arkib</p> <p><i>Pelita Brunei Online Jabatan Penerangan Jabatan Perdana Menteri</i></p> <p><i>Alamat e-mail: Pelita Brunei</i></p>	<p style="text-align: center;">HALUAN</p> <div style="display: flex;">  <div style="margin-left: 10px;"> <p>TITAH Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam sempena Majlis Pelancaran Persidangan Kebangsaan Mengenai Masyarakat Bermaklumat (NASIS) pada 3 Syaaban 1426/7 September 2005.</p> </div> </div> <p style="text-align: center;">MEMBINA MASYARAKAT BERMAKLUMAT PERLU KOMITMEN, KERJASAMA SEMUA PIHAK</p> <p style="text-align: center;"><i>Assalamualaikum Warahmatullahi Wabarakatuh Bismillahir Rahmanir Rahim</i></p> <p>ALHAMDULILLAH! Rabbil 'Aalameen, Wabihee Nasta'eenu 'Alaa Umuuriddunya Waddeen, Wassalaatu Wassalaamu 'Ala Asyrafil Mursaleen, Sayyidina Muhammaddin, Wa'alaa Aalihee Wasahbihee Ajma'een, Waba'du.</p> <p>Alhamdulillah, Saya bersyukur kerana sama-sama dapat hadir di Majlis Perasmian Persidangan Kebangsaan Mengenai Masyarakat Bermaklumat, yang juga melibatkan banyak pihak dan isu-isu ke arah mewujudkan masyarakat bermaklumat dan berpengetahuan di alaf baru ini.</p> <p>Mewujudkan masyarakat bermaklumat adalah merupakan agenda penting dalam membantu pembangunan ekonomi serta peningkatan taraf hidup.</p> <p>Peralihan ke arah masyarakat bermaklumat menjadi relevan, disebabkan adanya peluang-peluang baru dalam pelbagai urusan dan aktiviti masyarakat.</p> <p>Penggunaan teknologi infokomunikasi boleh menjadi penyelesaian dan pemudah kepada aktiviti-aktiviti tersebut.</p> <p>Demikian juga revolusi digital dan keupayaan teknologi infokomunikasi dapat mengurangkan halangan-halangan tradisional seperti 'jarak' dan 'masa'.</p> <p>Di samping itu, kemajuan teknologi ICT juga berupaya meningkatkan daya kreativiti dan inovasi.</p> <p>Ini bermakna, kita adalah perlu berkongsi maklumat yang berteraskan teknologi canggih bagi tujuan mencapai matlamat-matlamat baru yang lebih maju, khusus di bidang ekonomi, sosial dan politik.</p> <p>Kesan dari perkembangan teknologi infokomunikasi yang tidak selaras, boleh sahaja mewujudkan perbezaan jurang digital atau digital divide di kalangan masyarakat, baik dalam negara sendiri mahupun di antara negara-negara di dunia.</p> <p>Dari itu, memang perlu bagi kita memastikan semua lapisan masyarakat adalah mampu mendapatkan akses terhadap teknologi infokomunikasi, sebagai cara membangun dan meningkatkan kualiti hidup mereka.</p> <p>Dengan penyediaan infrastruktur sahaja belumlah memadai untuk menjamin keberkesanan penyerapan ICT dalam masyarakat.</p> <p>Kita masih perlu banyak membentuk program-program yang menjurus kepada pembangunan sumber tenaga manusia terutama pembangunan kapasiti dalam bidang ICT.</p> <p>Hanya dengan mempunyai kemahiran yang diperlukan, kita akan dapat meraih manfaat seberapa yang banyak, terutama manfaat ekonomi.</p> <p>Di samping itu kita jangan lupa untuk meneroka seterusnya bidang-bidang penyelidikan ICT serta juga kerjasama dalam bidang latihan-latihan yang melibatkan kemahiran, baik ia peringkat serantau mahupun antarabangsa.</p> <p>Penyediaan ICT di dalam kurikulum sekolah dan institusi pengajian tinggi juga boleh menjamin lahirnya masyarakat yang celik ICT.</p> <p>Bilangan lulusan dari institusi pengajian perlulah diselaraskan dengan kehendak dan permintaan industri dan bisnes bagi memastikan negara ini mempunyai sumber tenaga manusia yang berkemahiran dan profesional.</p> <p>Satu daripada fenomena yang juga dapat disaksikan pada masa ini ialah penggabungan digital atau digital convergence bagi teknologi telekomunikasi, penyiaran dan teknologi maklumat.</p> <p>Dengan adanya penggabungan ini, menjadi satu cabaran kepada pentadbiran dan pengurusan yang sedia ada, kerana penggabungan digital itu telah menghasilkan produk-produk serta perkhidmatan-perkhidmatan baru.</p> <p>Ini bermakna bukan sahaja 'hardware' teknologi telekomunikasi dan maklumat diperlukan, malahan juga lebih mustahak diberikan perhatian ialah kandungan atau 'software' yang disalurkan dalam ICT.</p> <p>Ini adalah merupakan cabaran, khususnya kepada agensi-agensi kerajaan yang sudah sedia wujud bagi menyesuaikan diri dengan perkembangan dan kemajuan terbaru ini.</p> <p>Pihak kerajaan sebenarnya telah pun menyediakan infrastruktur serta kemudahan-kemudahan teknologi yang moden. Namun untuk mewujudkan atau membina masyarakat bermaklumat masih sahaja memerlukan komitmen dan kerjasama semua pihak.</p> <p>Dari itu, persidangan ini nanti akan menjadi platform bagi membentuk satu e-Strategi dan Pelan Tindakan Kebangsaan yang komprehensif serta berpandangan jauh.</p> <p>Usaha kolektif dan pendekatan seumpama ini akan menyediakan satu hala tuju yang lebih fokus, tepat dan mudah difahami.</p> <p>Oleh itu, e-Strategi kebangsaan ini akan mengukuhkan lagi Pelan Strategik IT Kebangsaan yang sedia ada, bagi sama-sama mendukung wawasan ke arah memanfaatkan IT dan teknologi komunikasi secara sepadu untuk kemakmuran negara.</p> <p>Dalam hubungan ini, kerajaan telah melaksanakan rancangan e-Kerajaan dan menggalakkan pula perlaksanaan e-Perniagaan yang mampu untuk mewujudkan e-Masyarakat dan e-Society. Sekiranya semua ini berjalan lancar, maka insya-Allah kita akan dapat pula mencapai visi bagi mewujudkan e-Brunei.</p> <p>Semoga usaha-usaha ke arah masyarakat bermaklumat ini akan mendapat ganjaran yang setimpal daripada Allah Subhanahu Wataala dan semoga kita semua beroleh manfaat daripadanya.</p> <p>Dengan mendahulukan kalimah 'Bismillahir Rahmanir Rahim, Allahumma Salli 'Alaa Sayyidinaa Muhammad, Wa'alaa Aali Sayyidinaa Muhammad, Saya rasmi kan Persidangan Kebangsaan Mengenai Masyarakat Bermaklumat pada pagi ini.</p> <p>Sekian Wabillahit Taufik Walhidayah Wassalamualaikum Warahmatullahi Wabarakatuh.</p>	